

子曰

貳册



樂貴明述



海峽出版發行集團
福建人民出版社

樂貴明述

子曰



海峽出版發行集團
福建人民出版社

乙編：諸書輯拾

初九曰。潛龍勿用。何謂也。

子曰。龍德而隱者也。

不易乎世。不成乎名。

遯世无悶。不見是而无悶。

樂則行之。憂則違之。確乎其不可拔。潛龍也。

周易·上經·乾

九二曰。見龍在田。利見大人。何謂也。

子曰。龍德而正中者也。

庸言之信。庸行之謹。閑邪存其誠。善世而不伐。德博而化。
易曰。見龍在田。利見大人。君德也。

周易·上經·乾

九三曰。君子終日乾乾。夕惕若厲。无咎。何謂也。
子曰。君子進德脩業。

忠信。所以進德也。脩辭立其誠。所以居業也。知至至之。可與幾也。知終終之。可與存義也。是故居上位而不驕。在下位而不憂。故乾乾因其時而惕。雖危无咎矣。

周易·上經·乾

九四曰。或躍在淵。无咎^{*}。何謂也。

子曰。上下无常。非為邪也。

進退无恒。非離羣也。

君子進德脩業^{*}。欲及時也。故无咎。

周易·上經·乾

九五曰。飛龍在天。利見大人^{*}。何謂也。

子曰。同聲相應。同氣相求。

水流濕。火就燥。雲從龍。風從虎。

聖人作而萬物覩。本乎天者親上。本乎地者親下。則各從其類也。

周易·上經·乾 折疑論卷第四

上九曰。亢龍有悔。何謂也。

子曰。貴而无位。高而无民。

賢人在下位而无輔。是以動而有悔也。

周易·上經·乾 周易·繫辭上

子曰。易其至矣乎。

大方廣佛華嚴經疏
鈔會本第一之三

夫易。聖人所以崇德而廣業也。

大方廣佛華嚴經疏
鈔會本第一之三

知崇禮卑。崇效天。卑法地。天地設位而易行乎其中矣。
成性存存。道義之門。

周易·繫辭上

鳴鶴在陰。其子和之。我有好爵。吾與爾靡之。

子曰。君子居其室。出其言善。則千里之外應之。況其邇者乎。

舊唐書卷八十
八·蘇瓌傳

居其室。出其言不善。則千里之外違之。況其邇者乎。

漢書卷二十七·五行志
晉書卷二十八·五行志

言出乎身。加乎民。行發乎邇。見乎遠。

言行。君子之樞機。樞機之發。榮辱之主也。

舊唐書卷八十
八·蘇瓌傳

言行。君子之所以動天地也。可不慎乎。

潛夫論卷八·本訓 北朝周·黎季明：大早上武帝書
周書卷四十七·黎景熙傳 北史卷八十二·黎景熙傳

周易·繫辭上 大方廣佛華嚴經疏鈔會本第七十六之二

同人先號咷而後笑。

子曰。君子之道。或出或處。或默或語。

二人同心。其利斷金。

同心之言。其臭如蘭。

周易·繫辭上

初六。藉用白茅。无咎。

子曰。苟錯諸地而可矣。

藉之用茅。何咎之有。慎之至也。

夫茅之為物薄。而用可重也。

慎斯術也以往。其无所失矣。

周易·繫辭上

勞謙。君子有終。吉。

子曰。勞而不伐。有功而不德。厚之至也。

語以其功下人者也。

德言盛。禮言恭。謙也者。致恭以存其位者也。

周易·繫辭上

不出戶庭。无咎。

子曰。亂之所生也。則言語以為階。

潛夫論卷五·斷訟 文選卷第十三鸛鵲賦并序注引周易

君不密則失臣。臣不密則失身。幾事不密則害成。

文選卷第十三鸛鵒賦并序注引周易

周易·繫辭上

子曰。作易者。其知盜乎。易曰。

負且乘。致寇至。

負也者。小人之事也。

乘也者。君子之器也。

小人而乘君子之器。盜思奪之矣。

上慢下暴。盜思伐之矣。

慢藏誨盜。冶容誨淫。

易曰。負且乘。致寇至。

盜之招也。

周易·繫辭上

子曰。知變化之道者。其知神之所為乎。

三國志卷五十七。
吳書·虞翻傳。

易有聖人之道四焉*。

以言者尚其辭。

以動者尚其變。

以制器者尚其象。

以卜筮者尚其占。

周易·繫辭上

子曰。夫易。何為者也。

夫易。開物成務。冒天下之道。如斯而已者也。

周易·繫辭上

易曰。自天祐之。吉无不利。

子曰。祐者助也。天之所助者順也。人之所助者信也。

文選卷第十四幽
通賦注引論語

履信思乎順。又以尚賢也。是以自天祐之。吉无不利也。

周易·繫辭上 潛夫論卷六·巫列

子曰。書不盡言。言不盡意。

三國志卷二十九·魏書·方技傳

然則聖人之意。其不可見乎。

周易·繫辭上

子曰。聖人立象以盡意。設卦以盡情偽。

繫辭焉以盡其言。變而通之以盡利。鼓之舞之以盡神。

周易·繫辭上 永樂大典卷一四七〇八頁十七引乾坤鑿度附

易曰。憧憧往來。朋從爾思。

子曰。天下何思何慮。

天下同歸而殊塗。一致而百慮。天下何思何慮。

周易·繫辭下

易曰。困于石。據于蒺藜。入于其宮。不見其妻。凶。
子曰。非所困而困焉。名必辱。

非所據而據焉。身必危。

既辱且危。死期將至*。

妻其可得見耶。

周易·繫辭下

易曰。公用射隼于高墉之上。獲之无不利。

子曰。隼者禽也。弓矢者器也。射之者人也。

君子藏器於身。待時而動。何不利之有。

周易·繫辭下

子曰。小人不恥不仁。不畏不義。潛夫論卷五·斷訟

不見利不勸。不威不懲。

小懲而大誡。此小人之福也。

周易・繫辭下

子曰。危者安其位者也。亡者保其存者也。亂者有其治者也。是故。君子安而不忘危。存而不忘亡。治而不忘亂。是以身安而國家可保也。

周易・繫辭下

子曰。德薄而位尊。知小而謀大。力小而任重。鮮不及矣。

周易・繫辭下

子曰。知幾其神乎。

慈山大師夢遊全集卷第三

君子上交不諂。下交不瀆。

其知幾乎。幾者動之微。

吉之先見者也。君子見幾而作。不俟終日。

五代·羅隱；
兩同書

易曰。介于石。不終日。貞吉。

介如石焉。寧用終日。斷可識矣。

君子知微知彰。知柔知剛。萬夫之望。

周易·繫辭下

子曰。顏氏之子。其殆庶幾乎。

中論·虛道 後漢書卷八十四·曹世叔妻傳
注 唐·皮日休：無項託 馬王堆帛書·要

有不善未嘗不知。知之未嘗復行也。

中論·虛道 後漢書卷八十四·曹
世叔妻傳注 馬王堆帛書·要

周易·繫辭下

易曰。不遠復。无祇悔。元吉。

天地絪縕。萬物化醇。

男女構精。萬物化生。

周易·繫辭下

子曰。君子安其身而後動。易其心而後語。定其交而後求。君子脩此三者。故全也。

危以動。則民不與也。懼以語。則民不應也。

无交而求。則民不與也。莫之與。則傷之者至矣。

周易·繫辭下

子曰。乾坤其易之門邪。

乾。陽物也。坤。陰物也。

五行大義卷二

陰陽合德。而剛柔有體。

以體天地之撰。以通神明之德。

周易·繫辭下

孔子云。易有四易。一世二世為地易。三世四世為人易。五世六世為天易。游魂歸魂為鬼易。

京氏易傳下

孔子對子張曰。男子三十而娶。女子二十而嫁。女二十而通織紝績紡之事。黼黻文章之美。不若是。則上無以孝於舅姑。下無以事夫養子也。

尚書大傳卷一·唐傳·堯典

孔子曰。舜父頑。母嚚。不見室家之端。故謂之鰥。

尚書大傳卷一·唐傳·堯典

孔子曰。吾於洛誥。見周公之德。光明於上下。勤施四方。

旁作穆穆。至於海表。莫敢不來服。莫敢不來享。

以勤文王之鮮光。以揚武王之大訓。而天下大治。

故曰。聖之與聖也。猶規之相周。矩之相襲也。

尚書大傳卷二·洪範五行傳·洛誥

附：

子夏問書大義。

子曰吾於帝典。見堯舜之聖焉。